



GODINA XVII
Broj: 3/64

BILTEN

juli-septembar 2021.
zu-l-kade-safer-1442/43.

Istervno informativno glasilo Medžlisa IZ-e Tešanj

NOVA 1443.h.g.. (str. 8.)



Miljanovci, 08. 08. 2021.
Mevlud, centralna manifestacija Medžlisa IZ-e Tešanj.

PROŠIRENJE KAPACITETA PPU „REVDA“ (str.7)



Jelah Polje – 03. 09. 2021.
Svečano otvorenje Poslovne jedinice Revda u Jelah Polju.

TRI NOVA HAFIZA, JEDNA HAFIZA I ČETIRI HAFISKE DOVE (str. 4. i 5.)



Medakovo, 24.07.2021. hafiska dova najmlađem
tešanjskom hafizu Nailu Salkanoviću



Hamzibegova džamija Tešanj,
Hafiska dova hafizu Adilu Hadžiću



Šije, 29.08.2021.
Hafiska dova hafizi Ahmedu Deliću



Dibekhana džamija Tešanj, 18.09.2021.
Hafiska dova hafizi Adni Ibrahimović

Pozivamo džematlike da se vakcinišu protiv kovida-19.

RIJEČ UREDNIKA**BISMIL-LAHIR-RAHMANIR-RAHIM****Poštovani čitaoci!**

Naša obaveza jeste da stalno bdijemo nad svojom vjerom.

Vjera od nas traži da se fokusiramo na ono što će nas ujediniti u našem vjerovanju i našem djelovanju.

Naše djelovanje na ovom prolaznom svijetu jeste mjera našeg razumijevanja vjere s kojom smo došli na ovaj prolazni svijet i s kojom želimo da odemo sa ovog prolaznog svijeta.

U tom razumijevanju vjere i našeg djelovanja kao djeca, roditelji, staratelji, treba da znamo da važnu ulogu ima mektebska pouka, kao i nastava u školi.

Pitaje mektebske pouke nije pitanje samo pojedinca, muallima, roditelja, ili dejteta, već je to pitanje zajednice kao nešto što je zajedničko dobro, i to zajedničko dobro ostavlja trag baš kao što su ostavile trag i generacije djece i roditelja prija nas.

Obzirom da smo na početku mektebke i školske godine ovo je prilika da nas podsjetim na važnost i značaj prvog Kur'anskog imperativa „Ikre“ u kreiranju naše mladosti.

Pomoću znanja pružena nam je prilika da razlikujemo doro od lošeg, zla.

Naši pobožni učitelji složni su u tome da je uzrok gubljenja vjere kod ljudi u stvari uzrok činjenja grijeha i prelaženja granica koje je Allah dž.š. postavio kao branu ispred nas za naše dobro.

Molim Allaha dž.š. da nas zaštiti od zla, i da nam podari Svoju milost i blagodat, a našim mekteblijama, učenicima, muallimima i učiteljima hairli početak nove kalendarске mektebske i školske godine.

Aktivnosti IO Medžlisa :

07. 09. 2021. - Održana 23. redovna sjednica IO u velikoj sali Mežlisa IZ-e Tešanj. Sjednicom je predsjedavao predsjednik Zehrudin Kruško. Na sjedici je razmatran dnevni red od 10 tačaka i usvojeni: Zapisnik sa 22. redovne sjednice IO, informacija o realizaciji zaključaka, Izvještaj o realizaciji Plana aktivnosti u povodu Kurban bajrama 1442.h.g., Izvještaj o provedenim aktivnostima u povodu hidžre-Nove 1443.h.g., Plan aktivnosti za početak mektebske nastave 2021/22 , Zaključak o obilježavanju 12. rebiu-l-evvela 1443.h.g., Odluka o postavljanju sergije za liječenje Valentić Ajne iz Tešnja, Odluka o objedinjavanju administrativno-pravne službe i službe za ekonomske-finansijske, vakufske i poslove društvene brige, Odluka o prijemu u radni odnos na neodređeno gnjigovođe Medžlisa IZ-e Tešanj, Zaključak o utvrđivanju teritorije džemata Čaglići, Zaključak o utvrđivanju činjeničnog stanja za izgrađeni poligon na vakufskoj parceli u Čaglićima, Zaključak o dopuni naziva džemata Čaglići, Zaključak o transformaciji vakufske parcele Dibekhana džamija za parcelu Ajanović Edhema, i dr.



12.08.2021. – Vakcinacija zaposlenih protiv kovida-19 izvršena u Domu zdravlja Tešanj.

01.09.2021. – Sistematski pregled zaposlenih izvršen u Domu zdravlja Tešanj.

POZIV NA SARADNUJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Nasna web stranica: www.miztesanj.ba ; email: info@miztesanj.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić; tehnički urednik, tekst i foto Rašid Orlović.

Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić
i Suljo ef. Djedović prof., saradnici imami MIZ-e Tešanj.

ZNANJE JE SNAGA, ZNANJE JE MOĆ

„Neka je hvala Allahu Milostivom i Svetim imenom, Vladaru Dana Sudnjega.

Prije koji dan školska zvona zazvonila su i naša dječica su ponovo ušla u školske klupe, a već sutradan naši vrijetni muallimi će u mektebima dočekati čiste duše naše dječice kako bi ih poučavali časnome dinu. Početak mektebske i školske godine važan je događaj za sve nas, jer kvalitet nekog društva mjeri se prema tome koliko umije prenijeti znanja i iskustva budućim generacijama. Prosperitetna društva jesu ona koji to rade brže i organizovanije dok su zaostale one zajednice koje ne umiju prenijeti kvalitetno obrazovanje svojim mladima. Ideal savremenog obrazovanja jeste *društvo znanja* u kojem se kao krunski kriterij za društveni i socijalni napredak uzima znanje. I Islam i muslimani u svom civilizacijskom zenitu stvarali su vlastito *društvo znanja*, jer je ono bilo najvažniji kriterij nečije uspješnosti i valjanosti. Podsetimo da Kur'an ulazi u povijest, u historijske procese sa naredbom učenja: „Uči u ime Gospodara tvoga koji stvara“. Povrh toga, Kur'an je objava koja odmah pominje pero kao sredstvo kojim se prenosi znanje, ali i činjenicu da je znanje dar od Allaha koji je ispred svih drugih darova. „On čovjeka poučava peru, poučava ga onome što ne zna“. Kur'anske naputke o znanju slijedio je i Muhammed a.s. kada je rekao: „Meleki prostiru svoja krila od dragosti pred onim koji traži znanje“. (Tirmizi). Mnogo je razloga za takvu poziciju znanja u zlatnom dobu islama. Znanje je najdemokratskije mjerilo nečije vrijednosti jer se ne može naslijediti, ne može se kupiti, ne može se oteti. Ljepota, izgled, porijeklo ne mogu biti mjerilo nečijeg kvaliteta, jer ne ovise o nama samima. Islam hoće da se mjerimo prema onome što je istinski u našim rukama i što ovisi o nama, a to je znanje.

Islam daje prednost znanju i iznad pobožnosti, jer je pobožnost subjektivna a znanje je objektivna, izmjerljiva kategorija. Pobožnost se ne može kvantificirati, izmjeriti, dok znanje može. U čuvenom kazivanju o Ademu i melekima, kada Allah upoznaje meleke da će na zemlji Adema za halifu postaviti, oni traže razlog takve odluke. Zato je Allah, dž. š., poučio Adema imenima svih stvari pa je od meleka zatražio da mu ih kažu, ali nisu znali pa je to Adem, a. s., učinio. U ovom kazivanju meleki predstavljaju čistu i nepatvorenu pobožnost, dok je Adem simbol znanja i učenosti. I vidimo, da Allah naređuje melekima tj. pobožnosti da učini sedždu i pokaže poštovanje spram Adema tj. znanja. Zato su muslimani bili učeni i obrazovani. Voljeli su knjigu i ljude od knjige do te mjere da su muslimanski vladari stavljali zlato na jednu stranu, a knjigu na drugu, i tako plaćali i vrednovali znanje.

Ovo je islamska prošlost kojom se ponosimo, a drugo je muslimanska stvarnost koje se stidimo. Jedno je islam kao ideal kojem težimo, a drugo glib muslimanske sadašnjosti koju živimo. U tom glibu muslimanske stvarnosti muslimani su među najneobrazovanim dijelom svjetske populacije.

Dok je Muhammed a.s. još prije 1400 godina promovirao karanten, dakle logiku i znanje, kao vid liječenja od širenja zaraze, današnji muslimani raspravljuju o vakcinaciji i uzdaju se u Allahovu pomoć koja treba da kane sa nebesa, a ne kao izraz znanja i truda. Iznevjerili smo islamske ideale, jer smo dozvolili da se do najviših akademskih zvanja dolazi kroz brze kurseve i usputne fakultete. Akademije niču kao gljive poslije rodne kiše a diplome se dijele šakom i kapom. Tako se postaje društvo zvanja bez znanja i diploma bez pokrića. Mislimo da je sramota biti dobar zanatlija, privrednik ili vrhunski sportaš. Sramota je lagati i lažno se predstavljati da jesi ono što nisi i da nisi ono što jesi. To ukazuje ne samo na kruz obrazovanja, nego i na fundamentalnu kruz moralu.

A možemo mi bolje. Neka znate da su prvu vakcinu protiv Covida izumili dva muslimana, tačnije dr. Ugur Šahin i njegova supruga dr. Ozlem Tureci. To što su muslimani nije im smetalo da budu uspješni i priznati naučnici. Naši inovatori, matematičari i drugi osvajaju svjetske nagrade. U takmičenju sa najuglednijim svjetskim pravnim fakultetima naš Pravni fakultet u Zenici redovno osvaja prva mesta, a naša dječica dobivaju najviše nagrade, mada je takmičenje na engleskom jeziku. To govori da se možemo takmičiti sa najboljima samo ako ideale islama budemo živjeli u praksi, a ne samo u teoriji.

U to ime, koristim priliku da svim polaznicima mekteba, učenicima i studentima kao i njihovim roditeljima, muallimima, učiteljima i profesorima čestitam početak nove školske godine, sa dovorom Allahu, dž. š., *Gospodaru povećaj nam znanje i ljubav spram znanja, jer znanje je snaga, znanje je moć.*“

Zenica, septembar 2021. godine Hfz. dr. Mevludin ef. Dizdarević, muftija zenički

10.09.2021. Iz hutbe muftije zeničkog o početku nove mektebske godine pročitane u svim džamijama na području muftiluka.

U Čarši džamiji u Tešnju hutbu je održao glavni imam Medžlisa IZ-e Tešanj mr. Fuad ef. Omerbašić.



Hafiska dova hafizu Nailu Salkanoviću

U džamiji džemata Medakovo u subotu, 24. 07.2021. poslije podne-namaza proučena je hafiska dova i u hafiza Kur'ana Časnog promoviran najmlađi tešanjski hafiz Nail Salkanović, svršenik osmog razreda osnovne škole.

U prisustvu tešanjskih hafiza (mr. Almir ef. Hadžić, mr. Nermin ef. Ibrahimović, Anes ef. Mulić, Mustafa Sinanović i Rasim Ibrahimkadić), imama i velikog broja vjernika, dobrodošlicu na početku programa poželio je imam Samed ef. Sinanović, a prisutnima su se obratili: glavni imam Medžlisa IZ Tešanj mr. Fuad ef. Omerbašić i izaslanik reisu-l-uleme – muftija zenički hfvz. dr. Mevludin ef. Dizdarević koji je i uručio diplomu hafizu.

Prisutni hafizi proučili su kraće odlomke iz Kur'ana, a potom je hafiz Nail proučio kratke sure, a dovu njegov muhafiz hfvz. Almir ef. Salkanović.

*Hafiz Nail uči kratke sure**Dova*

Hafiz Nail Salkanović je sin Suadov i Esmirin iz Medakova, rođen 14. 1. 2007. godine u Tešnju. Odličan je učenik 8. razreda osnovne škole u Medakovu.

Hifz je proučio pred muhafizom hafizom Almir ef. Salkanovićem prof., imamom džemata Ljetinić, kao prvi kandidat koji je pred njim proučio hifz u period od 01.09.2017. godine do 09.06.2021.

Hafiz Nail je polagao hifz pred komisijom Rijaseta Islamske zajednice u BiH u sastavu: Kurra hafiz dr. Dževad ef. Šošić, hafiz dr. Dževad ef. Hrvacić, hafiz dr. Muhamed ef.

Čajlaković i hafiz dr. Abdulaziz ef. Drkić na Fakultetu Islamskih nauka u Sarajevu učeći po dva džuza dnevno u periodu od 21.06.2021. zaključno sa 05.07.2021.

*Hafiz Nail sa porodicom i zvanicama***Hafiska dova hafizu Adilu Hadžiću**

U subotu, 31. jula 2021. godine u Hamzibegovoj džamiji u Tešnju, proučena je hafiska dova i u hafiza Kur'ana Časnog promoviran 1. hafiz tešanjske Škole Kur'ana Adil Hadžić. Na početku programa hafiza Adila i Školu Kur'ana je predstavio glavni imam, a potom se obratio predsjednik UB Vrijeme Zeman dr. Jasmin Hadžikadumić.

Ajeta iz Kur'ana Časnog su proučili hafizi: mr. Almir ef. Hadžić, mr. Nermin ef. Ibrahimović, Eldar ef. Ćatićušić prof., i hafizi kojima je muhafiz bio hafiz Ahmed Bukvić: Miralem Muratović, Rasim Ibrahimkadić, Emir Ćeman i Mustafa Sinanović, kratke sure je proučio hafiz Adil, a dovu njegov muhafiz hafiz Ahmed ef. Bukvić imam Hamzibegove džamije u Tešnju i voditelj tešanjske škole Kur'ana kome je hafiz Adil 7 (sedmi) kandidat koga izvodi u časno zvanje hafiza Kur'ana.

*Hafiz Adil uči kratke sure**Dova*

Na kraju se prisutnim vjernicima obratio izaslanik reisu-l-uleme muftija zenički hfvz. dr. Mevludin ef. Dizdarević i uručio diplomu hafizu.

Hafiz Adil Hadžić je sin Enesov i Besimin, rođen u Tešnju 31.08.1995. godine, gdje i danas živi. Osnovnu i srednju Elektro-tehničku školu završio je u Tešnju, zaposlen je i neoženjen. Hifz je proučio od 1. maja 2020. godine do 1. juna 2021. pred muhafizom hafizom Ahmed ef. Bukvićem.

Hifz je položio pred Komisijom Rijaseta Islamske zajednice u BiH u sastavu: hafiz Ismet ef. Spahić, hafiz dr. Mensur ef.

Malkić, hafiz Haso ef. Popara i hafiz mr. Salih ef. Halilović u periodu od 23. juna zaključno sa 7. julom 2021. godine, učeći po dva džuza dnevno.

*Hafiz Adil sa porodicom i muhafizom*

Hafiska dova hafizu Ahmedu Deliću

U prepunoj džamiji džemata Šije, u nedjelju, 29. augusta 2021. proučena je hafiska dova i u hafizu Kur'ana Časnog promoviran hafiz Ahmed Delić.

Dobrodošlicu na početku programa poželio je Belmin ef. Bašić i predstavio hafiza Ahmeda i Školu Kur'ana u Tešnju.

Čat da prvi počne učiti Kur'an pripala je kurra hafizu Aliji ef. Rahmanu, a da završi učenje Kur'ana drugom prisutnom kurra hafizu Azizu Aliliju. Između njih su Kur'an učili hafizi: Emir Ćeman, Ahmed ef. Muhamed, Rasim Ibrahimkadić, Anes ef. Mulić, Eldar ef. Ćatibušić, Mustafa Sinanović, Vedad Jupić, mr. Nermin ef. Ibrahimović, Almir ef. Salkanović i najmlađi hafiz Nail Salkanović.

Nakon učenja kratkih sura hafiza Ahmeda, dovu je proučio muhafiz hafiz Ahmed ef. Bukvić voditelj tešanske škole Kur'ana kome je hafiz Ahmed 8 (osmi) kandidat koga izvodi u časno zvanje hafiza Kur'ana.



Hafiz Ahmed uči kratke sure



Dova

U toku programa prisutnima su se obratili: Izaslanik reisul-uleme hafiz mr. Salih ef. Halilović koji je i uručio diplomu hafizu, te muftija zenički dr. Mevludin ef. Dizdarević, glavni imam Medžlisa IZ-e Tešanj mr. Fuad ef. Omerbašić, dekan IPF u Bihaću dr. Hajrudin Hodžić i predsjednik UB Vrijeme Zeman dr. Jasmin Hadžikadumić.

Hafiz Ahmed Delić je sin Ševal ef. i Šemse, rođen u Tešnju 17. 05. 1998. Osnovnu školu završio je u Šijama, a gimnaziju u Tešnju, trenutno je student na IPF Bihać, (3. godina) i polaze vanredno medrsu u Sarajevu (III razred).

Zaključio je brak sa Handanagić Azrom iz Skucanog Vakufa. Hifz je proučio od 1. maja 2020. godine do 1. juna 2021. pred muhafizom hafizom Ahmed ef. Bukvićem.

Hafiz Ahmed je polagao hifz pred komisijom Rijaseta Islamske zajednice u BiH u sastavu: Kurra hafiz dr. Dževad ef. Šošić, hafiz dr. Dževad ef. Hrvačić, hafiz dr. Muhamed ef. Čajlaković i hafiz dr. Abdul-Aziz ef. Drkić na Fakultetu Islamskih nauka u Sarajevu učeći po dva džuza dnevno u periodu od 26.07.2021. zaključno sa 09.08.2021. (1. muharrema 1443.h.g.).

Hafiz Ahmed je 28. poslijeratni tešanski hafiz, četvrti ovogodišnji i drugi hafiz tešanske Škole Kur'ana, a treći poslijeratni hafiz iz Šije. (prvi kurra hafiz Alija ef. Rahman i drugi Vedad Jupić).

Hafiska dova hafizi Adni Ibrahimović

U subotu, 18. septembra 2021. godine u Dibekhana džamiji u Tešnju, proučena je hafiska dova i u hafizu Kur'ana Časnog promovirana Adna Ibrahimović.

Na početku programa goste je selamio i izrazio dobrodošlicu glavni imam, a potom predstavio hafizu Adnu, nakon čega je čestitku uputio i prigodan poklon hafizi uručio predsjedavajući Doma naroda Parlamentarne skupštine BiH Bakir Izetbegović.



Ajeta iz Kur'ana Časnog su proučili hafizi: Hidajet Talić, Ahmed Bukvić, Muhamed Ahmetović, Almir Hadžić, Maid Ibrahimović, Almir Salkanović, Rasim Ibrahimkadić, Anes Mulić, Eldar Ćatibušić, Nail Salkanović, Emir Ćeman, Ahmed Delić, Mustafa Sinanović, i hafizi profesori iz BB medrese: Amir Hodžić, Abdulah Kapo i Mirnes Spahić.

Kratke sure je proučila hafiza Adna, a dovu njen muhafiz dr. Edin Dedić, prof. u Behram-begovoj medresi u Tuzli kome je hafiza Adna 10 kandidat koga izvodi u zvanje hafiza Kur'ana.



U toku programa prisutnima su se obratili: Izaslanik reisul-uleme hafiz dr. Senaid Zaimović, direktor Vakufske direkcije koji je i uručio diplomu hafizi i koji je bio muhafiz njenom babi hafizu Nerminu, te muftija zenički dr. Mevludin ef. Dizdarević.

Hafiza Adna Ibrahimović je kći hafiza mr. hadži Nermina-ef. i hadži Aide, rođena 2002. godini u Zenici.

Nakon završene osnovne škole u Tešnju, Adna je upisala Behram-begovu medresu u Tuzli, koju je završila 2021. godine, a potom upisala Mašinski fakultet u Tuzli.

Hifz je učila pred muhaffizom hafizom dr. Edinom Dedićem, profesorom u Behram-begovoj medresi od drugog razreda medrese. Hafiza Adna je polagala hifz pred Komisijom Rijaseta Islamske zajednice u BiH u sastavu: kurra hafiz dr. Dževad Šošić, hifz. dr. Muhamed Čajlaković, hifz. dr. Dževad Hrvačić i hifz. dr. Abdulaziz Drkić u periodu od 24.08.2021. zaključno sa 08.09.2021. učeći po dva džuza dnevno. Adna je 5 ovogodišnji tešanski hafiz, a 29 poslijeratni.

POČELA NOVA MEKTEBSKA 2021/22. GODINA

Na temelju Odluke Rijaseta IZ-e u BiH od 28.07.2020. mektebska pouka se od prošle mektebske godine izvodi prema novom Nastavnom planu i programu, novim ilmihalima i novoj mektebskoj pedagoškoj dokumentaciji. U cilju što kvalitetnije pripreme za početak mektebske godine u okviru manifestacije **Dani mekteba** provedena je promocija novog NPIP i nove dokumentacije na



radnom sastanku sa muallimima, 01.09.2021. u Tešnju i na seminaru za glavne imame i grupu muallima Muftijstva zeničkog 22.09.2021. u Bijeloj džamiji u Radakovu, Zenica.

Prema kalendaru Rijaseta IZ-e u BiH nova mektebska godina počela je u subotu, 11.09.2021. godine u svim mektebima upisom polaznika, a već u nedjelju 12.09.2021. održani su prvi radni časovi u mektebima.



U šarenom mektebu



U džematu Bukva

SOCIJALNO HUMANITARNE AKTIVNOSTI

Pomoć za rekonstrukciju džamije u džematu Kruševac, Medžlis IZ-e Olovko uručili glavni imam i predsjednik IO Medžlisa IZ-e Tešanj Zehrudin Kruško prilikom posjete Medžlisu IZ-e Olovko 13.08.2021., a koju su prukupili muslimani Tešnja.



Šije, 14.08.2021. - 6. godinu za redom organizirana posjeta džematlija Šija Srebrenici i pomoć stanovništu sa 53 porodična paketa i novčanom pomoći MFS „EMMAUS“ za smještaj učenika u đačkom domu u Srebrenici.



MREŽA MLADIH

Mreža mladih Dibekhana džamije započinje ciklus druženja poslije sabah namaza – prvo 12.09. 2021. sa hafizom mr. Ammar ef. Bašićem i drugo, 26.09.2021 sa hafizom Nedim ef. Botićem, oba u prepunoj džamiji.



Medžlis, 05.09.2021. Uručene svjedodžbe o završenoj Sufari treće generaciji Škole Kur'ana u Tešnju, iza akšam namaza u atriju Medžlisa islamske zajednice Tešanj uz obraćanje glavnog imama, predsjednika Udruženja Bošnjaka " Vrijeme - Zeman" dr. Jasmina Hadžikadunića i hafiza Ahmed ef. Bukvića prof. Svjedožbe su preuzele: Selimanović Adem, Sinanović Adisa, Zukanović Alenko, Sinanović Arhimed, Sejmenović Benjamin, Bačinović Emina, Elez Ermelina, Elez Esada, Sejmenović Erna, Škapur Fahrudin, Omerbašić Fatima, Sinanović Niada, Osmić Merjem, Dizdarević Sara, Bačinović Asija, Sinanović Naida, Selimanović Almedina i Bukvić Ajna.



ODJEZI ZA BRAK, PORODICU i ŽENSKI AKTIVIZAM

Od 01.09.2021. godine umjesto Fatime Ćeman imenovana nova koordinatorica mr. Džejlana Hasanović koja je već 05.09.2021. organizirala doček žena iz Živinica, i druženje žena u Kaloševiću, 26.09.2021.



Događaji, iz naših džemata...

Svečano otvorena Poslovna jedinica Dječijeg vrtića PPU "Revda" u Jelah Polju 03.09.2021. poslje džuma-namaza. Program svečanosti vodila je direktorica Fatima Ćeman, a prisutnima su se prigodno obratili: glavni imam Medžlisa IZ-e Tešanj mr. Fuad ef. Omerbašić, Općinski načelnik mr. Suad Huskić, šef Odjela za mekteb, mlade i predškolski odgoj Rijaseta IZ-e u BiH dr. Enes ef. Svraka i muftija zenički hafiz dr. Mevludin ef. Dizdarević. Dovu je proučio mr. Husein ef. Smajić, raniji zamjenik reisu-l-uleme, vlasnik poslovnog prostora u kome je smještena poslovna jedinica koji je ustupio Medžlisu IZ-e Tešanj u ovu svrhu bez nadoknade.

Na kraju su uručene vakufname vakifima za opremanje prvog prostora obdaništa kojima nisu uručene u tom periodu i to: Ćeman Kadri pred dušu supruga Asima, „Zuteks“ d.o.o. Tešanj i „Inter“ d.o.o. Ljetinić.



Miljanovci, 18.07.2021. Uručene vakufname vakifima (59 vakifa) uz prigodno obraćanje džematskog imam Raif ef. Hasak prof. i glavnog imama. Vakufname su uručene za zemljište: Ćeman Jakub (4.069 m²), Danović Jasmin (pred dušu oca Rame – 1.676 m²), Hodžić r. Pilav Mirzeta (1.305 m²), Omerbašić Muharem (pred dušu rahmetli Omerbašić (Huse) hadži Huske (604 m²), i za novčana sredstva za kupovinu nove vakufske parcele uz harem džamije: Omerbašić Asim, Omerbašić Mersiha, Omerbašić Asim – pred dušu majke Kademe, Omerbašić Asim – pred dušu oca Šerifa, Omerbašić Fahrudin, Omerbašić Zineta, Omerbašić Zineta – pred dušu supruga Saliha, Omerbašić Zineta – pred dušu sinova Vahidina i Mehmeda, Omerbašić Hamzalija, Omerbašić Alija, Omerbašić Zufer, Omerbašić Arif, Delić Ramiz, Delić Mirsada, Delić Ramiz – pred dušu oca Rifeta, Delić Nermin, Kurdić Semir i Admir, Ahmić h. Muharem, Ćeman Melva, Hedžić Šemsada, Smajić Elvir i Abdusamed, Ćeman Senad za roditelje Kadiru i Asimu, Ćeman Jakub, Klepić Musto, Klepić Mesud i Suada, Klepić Ibrahim i Saliha, Klepić Ramiz i Paša, Klepić Muhamed, Klepić Ema, Smajić Hazim i Zejna, Ahmić Adem i Saliha, Ahmić Fahir Zahir Sedina i Mina, Ahmić Rasim Munira i Sabina, Ahmić Sulejman, Ahmić Hanifa, Ahmić Adis i Admir, Ahmić S. Muharem, Čehić Zejna, Čehić Mersud, Muminović Mehmedalija, Muminović Mehemed, Husanović Muhamed i Halida, Husanović Samir, Husanović Edina, Husanović Muris, Husanović Lejla, Husanović Ragib i Zulejha, Husanović Adil i Rasima, Lekić Muhamed, Lekić Mevlida, Lekić Nevzet i Mersiha, Lekić Mehemed, Lekić Rabija, Lekić Ibrahim i Omerbašić Salih i Fata.



Obilježen Dan sjećanja u Šijama 17. 07. 2021. Zajedničkom organizacijom tri džemata: Šije, Šije Donje Polje i Šije Gornje Polje, Mjesne zajednice Šije i udruženja građana „Ponikva“ Šije prigodnim programom obilježen je 17. juli „Dan sjećanja“ u Šijama. Domaćin je bio džemat Šije Donje Polje.

U okviru bogatog programa poslje akšam namaza, proučen je mevludska program kojeg su proučili polaznici mektebske pouke sva tri džemata u Šijama.

U ime domaćina i organizatora prisutnim džemalijama obratio se dr. Rifat Sejdinović, a nakon njega Općinski načelnik mr. Suad Huskić.

Prigodno predavanje, kao i glavnu poruku skupa, održali su i uputili glavni imam Medžlisa Tešanj mr. Fuad ef. Omerbašić i mr. Suad ef. Balić, porijeklom iz Šija, a sada imam u Sarajevu. Od 2008. g.u Šijama se obilježava 17. juli, „Dan sjećanja“.



Dolac-Kotlanice – proučen tradicionalni mevlud "na bašći" i uručene vakufname i zahvalnice vakifima poslje podne-namaza. Mevlud su proučili imami Medžlisa IZ-e Tešanj, a prisutnima su se prigodno obratili džematski imam Džafer ef. Alispahić, glavni imam mr. Fuad ef. Omerbašić i gost hafiz Nedžad ef. Ćeman.

U toku programa uručene su vakufname i zahvalnice vakifima za uvakufljena novčana sredstva za kupovinu zemljišta zvanog "Mekteb/Baša", k.č. broj: 1881/1, 1881/2, 1181/3, 1182, 1183, u naravi jedna cijelina ukupne površine 3.713 m² na ime proširenja postojećeg vakufskog mezarja kod starog mekteba u Dolcu. Vakufname su preuzeli: Suljo i Azra Hrvić, hadži Ibrahim Sinanović, hadži Smail Džafić, hadži Mehmed i Ramiz Sinanović, hadži Ahmet Sinanović, Karahmet Ema pred dušu roditelja rahmetli Jašić Avde i Fatime, Mešić Zlata i Kadić Mersida, Jašić Alija i Zarfa za rahmetli Jašić Ramu i Minu, Jašić Alija i Zarfa, Sinanović Huso i Adnan, Sejmenović Muhibin i Mirha, Hrvić Azra pred duše roditelja rahmetli Sinanović Džafera i Adile, i Hrvić Armin, a zahvalnice: Jašić Ramo sa porodicom, Cerovac Omer i Fatima, Sinanović Osmo sa porodicom, Klobodanović Ziba pred duše roditelja rahmetli Jašić Avde i Fatime, Sinanović (Džafera) Atif, Sinanović Halid i Badema, Krličević Hakija i Refija, Omahić Sajda udova Ahmetova.



Obilježena Hidžra - Nova 1443.h.g.

Miljanovci, 08.08.2021. Tradicionalni Mevlud kao centralna manifestacija Medžlisa proučen poslije akšam-namaza u prelijepo oslikanoj džamiji. Program se sastojao od učenja Kur'ana, Mevluda, ilahija, dove i prigodnih obraćanja, a izveli su ga imami Medžlis IZ-e Tešanj. Dobrodošlicu i zahvalu za prisustvo izrazio je džematski imam Raif ef. Hasak prof., a prigodna predavanja o Hidžri - fadilatema, poukama i porukama održali su hafiz mr. Almir ef. Hadžić, imam džemata Jelah i glavni imam mr. Fuad ef. Omerbašić.

*Učesnici u programu*

Jevadžije, 07.08.2021. Veče Kur'ana - U povodu Hidžre, nastupanja Nove 1443. hidžretske godine i 16. godišnjice otvorenja džamije održano je veče Kur'ana poslije akšam-namaza u džamiji džemata Jevadžije na kome su ajete Kur'ana Časnog učili: hafiz mr. Almir ef. Hadžić, hafiz mr. Nermin ef. Ibrahimović, hafiz Hidajet Talić, hafiz Almir ef. Salkanović prof., domaćin hafiz Anes ef. Mulić, Muris ef. Braćkan i Dženis ef. Mulić, a ilahije imami Elvedin ef. Aličić prof. i Belmin ef. Bašić. Prisutnima su se prigodno obratili džematski imam hafiz Anes ef. Mulić i glavni imam mr. Fuad ef. Omerbašić.

*Učesnici*

Čarši-džamija, 09.08.2021. Mevlud su proučili imami gradskih i prigradskih džemata, a prigodno obraćanje održali džematski imam mr. Enver ef. Kurtić i glavni imam poslije akšam-namaza.

*Učesnici*

Pomoć penzionerima – U povodu Nove 1443.h.g. penzonisanim zapsolenicima ili njihovim udovama isplaćena jednokratna novčana pomoć.

Nastup Armina Muzaferije na trgu u Tešnju 11.08.2021. - Medžlis IZ-e Tešanj je organizirao nastup Armina Muzaferije na trgu "na čaršiji" u Tešnju u periodu od akšama do jacijenamaza.

U ugodnoj atmosferi i pred izuzetno velikim brojem posjetilaca (procjena medija preko 3.000) Armin Muzaferija i njegov gost Ibrahim Bilčević razgalili su srca tešnjaka.

Na početku programa prisutne su selamili i Novu 1443.h.g. čestitali Općinski načelnik mr. Suad Huskić i glavni imam mr. Fuad ef. Omerbašić.

Program su svojim učešćem sponzorirali: Općina Tešanj, "AS" "MADI", "INTER", "FAREX", "INŽINJERING1", "HIFA PETROL" "HIFA OIL" UP "Biznis Centar" Jelah – Tešanj.



Šije Gornje Polje, 13.08.2021. Proučen Mevud i uručene zahvalnice za nesobičnu pomoći i doprinos u radu i afirmaciji džemata poslije akšam-namaza u povodu Hidžre i 15. godišnjice otvorenja džamije.

Mevlud su proučili imami Medžlisa IZ-e Tešanj, a zahvalnice uručene: Vlasnicam restorana „Ribarska kuća“, Fadilu Haliloviću, Naili Halilović, Mejri Ahmetlić, Jusufu Hafizoviću, Nazifu Bašiću, Edibu Aliću, Hasanu Haliloviću i Muhibinu Aliću. Prisutnim džematljima su se prigodno obratili džematski imam Aldin ef. Mehmedović, Salih ef. Haušić prof. i glavni imam.



Jevmu-l-ašura – 18. 08. 2021. g. - 29. godinu za redom obilježena u Avdipašinoj džamiji poslije akšam-namaza. Zikr predvodio hadži Osman Jašić, a prisutne selamili i prigodno se obratili džematski imam Hakija ef. Ganjgo prof., glavni imam i hafiz Nedžad ef. Ćeman prof. Podijeljena ašure posjetiocima.